

## U Tuzli i na Rači oduzeta krijumčarena roba vrijedna 45.000 KM



U dvije odvojene akcije na području koje pokriva Regionalni centar Tuzla oduzeta je razna roba u vrijednosti 45.000 KM – potvrđeno je danas iz Uprave za indirektno oporezivanje (UIO) BiH.

Preciziraju da su pripadnici Grupe za sprečavanje krijumčarenja i prekršaja, iz Regionalnog centra Tuzla, u suradnji sa službenicima MUP RS-a, zaplijenili 4.890 paklica različitih cigareta koje nisu bile obilježene akciznim markicama BiH.

-Radi se o akciznim proizvodima koji su bili namijenjeni za prodaju na 'crnom tržištu', jer nisu bili obilježeni akciznim markicama koje izdaje UIO, niti je postojala dokumentacija o porijeklu robe – pojašnjava se u saopćenju iz UIO.

Druga operativna aktivnost izvršena je na Graničnom prijelazu Rača, gdje je u krovu autobusa i prostoru za ventilaciju pronađena veća količina mobilnih telefona i druge tehničke opreme.

Ukupna vrijednost privremeno oduzete robe procjenjuje se na oko 45.000 KM.

Iz UIO dodaju da je tokom ovih aktivnosti korištena specijalizirana oprema, kao i vozila donirana od američke ambasade putem programa EXBS. (f, tl)

Date: 14-01-2020